



Broj: 05-1-07-3-779/20  
Sarajevo, 18.07.2020. godine

Na osnovu člana 2.9 stav (1) tačka 5. i člana 4.10 stav (3) i (4), člana 4.17, člana 13.14 i 15.1 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14 i 31/16), Centralna izborna komisija Bosne i Hercegovine je na 37. sjednici, održanoj 18.07.2020. godine, donijela

### ODLUKU

Prijava za ovjeru nezavisne kandidatkinje Fatime Tahirović od 03.07.2020. godine za učešće na Lokalnim izborima 2020. godine, za izbor predstavnice **NACIONALNE MANJINE**, Srebrenik se odbija.

### Obrazloženje

Nezavisna kandidatkinja Fatima Tahirović je dana 03.07.2020. godine podnijela prijavu za ovjeru za učešće na Lokalnim izborima 2020. godine, za izbor predstavnika **NACIONALNE MANJINE**, Srebrenik.

Centralna izborna komisija Bosne i Hercegovine je u postupku provjere ispunjavanja uslova za ovjeru prijave nezavisne kandidatkinje Fatime Tahirović utvrdila da prijava sadrži nedostatak, tj. da dostavljeni prijavni obrazac nije kompletiran, da nedostaje obrazac za ovlaštena lica i finansijski izvještaj i da nije potpisana Izjava o poštivanju Općeg okvirnog sporazuma za mir u Bosni i Hercegovini.

U skladu sa članom 4.10 stav (4) Izbornog zakona Bosne i Hercegovine, Centralna izborna komisija Bosne i Hercegovine je aktom broj: 05-1-07-3-779/20 od 12.07.2020. godine obavijestila nezavisnu kandidatkinju da ustanovljene nedostatke u prijavi otkloni u zakonskom roku od dva dana od dana prijema obavještenja, odnosno do 14.07.2020. godine do 16,00 časova. Nezavisna kandidatkinja Fatima Tahirović nije dostavila dopunu nedostajuće dokumentacije.

Odredbom člana 4.10 stav (4) Izbornog zakona Bosne i Hercegovine je propisano da ako Centralna izborna komisija BiH ustanovi da su podaci iz prijave netačni ili nepotpuni ili da prijava sadrži neki drugi nedostatak ili nepravilnosti u smislu ovog Zakona ili akta Centralne izborne komisije BiH, o tome obavještava podnosioca prijave, koji je dužan ispraviti nepravilnosti u roku od dva dana od dana prijema obavještenja. Nakon isteka ovog roka ako nezavisni kandidat ne otkloni nedostatak ili nepravilnost iz ovog stava, Centralna izborna komisija BiH neće ovjeriti prijavu nezavisnog kandidata za učešće na izborima.

S obzirom da nije priložena dokumentacija kako je naprijed navedeno, čime nije ispoštovana odredba člana 4.17 Izbornog zakona Bosne i Hercegovine, što znači da nisu ispunjeni svi zakonski uslovi za ovjeru prijave nezavisne kandidatkinje Fatime Tahirović za učešće na Lokalnim izborima 2020. godine, Centralna izborna komisija Bosne i Hercegovine je, u skladu sa članom 2.9 stav (1) tačka 5. člana 4.10 stav (3) i (4), člana 4.17, člana 13.14 i 15.1 Izbornog zakona Bosne i Hercegovine, odlučila kao u dispozitivu ove odluke.

**Pravna pouka:**

Protiv ove odluke, u skladu sa članom 6.9 stav (1) i (2) Izbornog zakona Bosne i Hercegovine, može se podnijeti žalba Apelacionom odjeljenju Suda Bosne i Hercegovine u roku od dva dana od dana prijema ove odluke, koju Centralna izborna komisija Bosne i Hercegovine dostavlja putem elektronske pošte ili faks aparata.

Žalba se podnosi preko Centralne izborne komisije Bosne i Hercegovine i dostavlja se putem faks aparata na broj 033/251-329, elektronskom poštom na e-mail adresu [kontakt@izbori.ba](mailto:kontakt@izbori.ba) ili lično u sjedište Centralne izborne komisije Bosne i Hercegovine, ulica Danijela Ozme broj 7, Sarajevo.

**Dostavljeno:**

- nezavisna kandidatkinja
- a/a

